

太上消災祈福醮儀

啟香讚

鬱鬱祥煙起玉爐 飄飄紫霧降雲軒
遙瞻師闕端恭啟 望賜恩慈作證明
伏以

法範崇隆 賴師真之模訓 宣行教典 籍
宗匠之維持 與情有禱 至道無方 下土
凡昧 并臨壇法眾等 誠惶誠恐 稽首頓
首 恭炷心香 虔誠奏啟

祖師道宗聖師 傳經演教 歷代師真 十洲

三島 諸仙聖眾 玄虛感格 鑒察司曹

賁降瑤壇 證盟修奉 今屆

朝真謁聖 法筵初啟 佈悃祈恩 理行稟明
於師垣 方敢冒瀆於

帝極 輿情敷奏 望賜鑒原 入意 卑悃已

陳 妄意邀求 有干玄禁 激切懇禱 實
望垂慈 祈靈通而感格 俾下願以從心

奠安師馭 誠讚玄科 并臨壇法 眾等曷

勝 激切叩禱之至 恭對師顏 志心皈命

誦誥及總師誥

啟師讚

朝元行道 啟請真師 玉爐香靄降天樞
誠信賴通知 列聖垂慈 受福在今時

太上皈命禮古今得道大師真

謝師讚

瓊樓高秩 蓬島散曹 隨方闡教樂逍遙
驅治闢妖邪 祈禱功高 天榜姓名標

太上皈命禮古今得道大師真

發緘科儀

瑤壇初啟 寶鼎香熏 恭迎符駕降凡塵

里域望同臨 玉液三巡 情悃願傳聞

皈命禮大聖靈通感應大天尊

伏以

太虛無體 淨穢皆空 妄覺一生塵緣競
既非真境 即是魔宮 是故行持 先當解
穢 先天無極都雷府 弘先雷司 以今焚
香 奉請

五方五德五龍君 五方生氣旺氣君

清和夫人 浣灌玉女

靈寶通真攝魔屏穢靈官

南方丹天九鳳破穢宋將軍

北方風輪蕩鬼周元帥

滄水秀衣使者 華池文浴夫人

銅頭鐵額騎使 吞魔食鬼將軍

淨天地咒中八方大力威神 乾羅答那大將

洞罡太玄吏兵 斬妖伏邪神吏 解穢司

蕩穢司 除穢滅穢一行全司官將吏兵

值年太歲 至德尊神

府縣城隍主宰尊神 該境廟貌祀典之神

本宮家祠香火司命土地等神

聞今宣召 已沐光臨 神霄玄雷壇有解穢

牒文

謹當宣讀

牒文宣示 火速奉行 各請持符仗劍 擲

火流金 分光佈 聚集壇前 降真於水中

集靈光於壇 夫此水者 含五龍之正 運

九鳳之神光 故能激濁揚清 用以蕩瑕而

滌穢 今將此水 遍洒壇場 一洒天無氛

穢 二洒地無妖塵 三洒法壇內外

悉令清淨 玄科有咒 謹用宣揚 主洒淨

眾念

天地神咒

運三光之法水 天地無塵 焚百寶之名香
祥煙結篆 凡境化為仙境 誠心可格天心
金爐騰瑞靄 玉篆散祥煙 盤旋周法界
謹詣大羅天 恭運一心 香當讚詠 上香
眾誥或讚 主慶神 眾念

金光神咒

望天罡取真 佈斗訣 躡瑤壇 寶香焚於
爐中 瑞靄于星斗 持太清百煉之劍 噀

銀河萬流之泉 行天條禁戒之律 掌西河
法主之權 默運山河鼎沸 呼吸雷電風生
劍揮鬼懼神愁 令下兵隨將轉 凡諸部從
齊到壇前 整肅威儀 聽吾關召 唵吽吽
眾神稽首 邪魔歸正 敢有不順 化作微
塵 雷霆號令 急如風火

十方三界 頃刻遙聞 道香一炷 十方肅
清 法鼓三通 萬神咸集 先天無極都雷
府 弘先雷司 以今焚香 飛符宣請 上
界符官 天仙使者 天將天兵 天吏天神

齋此天香 速登天門

上聞天省 轉達天庭

遵天皇號令之施 准天性神機之化 毋違

天典 立佈天風 下降天壇 天差聽令 天

曹符使 上界威神 飛騰雲霧遍乾坤 宮

闕悉遙聞 仰汝傳誠 莫誤感通靈 惟願

靈符 速至顯威靈

惟願靈符

速至顯威靈 先奏告關牒禁 壇祝如常式

次啟堂頌 次各禮師 存念如法 次宣

五方衛靈神咒

東方

九氣青天 明星大神 煥照東鄉 洞映九

門 轉燭陽光 掃穢除氛 開明童子 備

守我軒 收魔束妖 上對帝君 奉承正道

赤書玉文 九天符命 攝龍驛傳 普天安

鎮 我得飛仙

南方

南方丹天 三氣流光 熒星轉燭 洞照太

陽 上有赤精 開明靈童 總禦火兵 備

守三宮 斬邪束妖 剪截魔兇 北帝所承
風火八衝 流鈴交煥 敢有不從 正道流
行 我享上功 保天長存 億劫無終

西方

七氣之天 太白流精 光耀金門 洞照太
冥 中有素皇 號曰帝靈 保神安鎮 衛
我身形 斷截邪源 正道開明 宮殿整肅
三景齋并 道合自然 飛升紫庭 靈寶符
命 普惠萬生 功加一切 天地咸寧

北方

北方玄天 五氣徘徊 辰星煥爛 光耀太
微 黑靈尊神 飛仙羽衣 備衛五門 檢
精捕非 敢有干試 豁落斬摧 玉符所告
神振八威 邪門閉塞 正道明開 映照我
身 三光同輝 策空駕浮 舉形仙飛

中央

黃中理氣 總統玄真 鎮星吐輝 流煥九
天 開光童子 一十二人 元氣陽精 炎
上朱煙 洞照天下 及臣等身 百邪摧落
殺鬼萬千 中山神咒 普天使然 五靈安

鎮 身飛上仙

次都講唱 鳴法鼓二十四通

無上真玄五靈走君 當召功曹使者 左右

龍虎君 捧香使者

三氣正神 急上關啟三天真元道君 臣今

正爾燒香 修齋設醮 謹奉為醮主弟子臣

某為齊意 其餘誠懇 具載青詞 願得

太上十方正真生氣 降流入臣等身中 令臣

所啟 速達逕御

至真無極大道三清上聖

昊天玉皇上帝御前 謹出臣身中五體真官功

曹吏 出上三天 執法開化 陰陽功曹

度道消災 散禍解厄君吏各十二人出 臣

所受法籙治中建節監功大將軍前部 效功

後部 效殺驛廷 令驛延丞 四部監功竭

者 上仙上靈 直使功曹左右官使者 陰

陽神決吏官 各二人出 出者 嚴裝顯服

冠帶垂纓 整其威儀 功曹弁朱陽之幘

冠通天之冠 衣皂紈單衣 腰帶龍頭之劍

捧持謁簿使者 弁玄陰之幘 冠九德之冠

衣絳章單衣 腰帶虎符 齊執玉版 直事
功曹住立四方 正一功曹住立中央治 病
功曹 營衛臣身 左官使者建節在前 右
官使者持幢在後 陽神決吏立左 陰神決
吏立右 上部功曹住立上方 中部功曹住
立身中 促氣功曹 催促十方 上部使者
遠望上天 中部使者遠瞻八方 都官使者
匝繞臣身 郎吏虎賁 察姦鉤騎 都官侯
射 天丁力士治正 執正吏收神 食神吏
收鬼 食鬼吏收氣 食氣吏收毒 食毒吏

收精 食精吏收邪 食邪吏誅符 破廟吏
剛風 騎置吏驛馬 上章吏飛龍 騎吏等
並皆屯住臣左右前後 受臣詞語 關啟此
間土地里社正神 監察考召 甲子諸官君
將吏 謹同誠上啟
太上無極大道太上老君 太上丈人 九老仙
都君 九氣丈人 百千萬重道氣 千二百
官君

太清玉陛下 恭以天人交感 在祈祐以所符
陟降中潛 非至誠之不格 唯精衷之內控

仰元鑒之有門 矧蕊笈之真詮 廓靈科而
示教 璇穹大象 霄景神輝 有躔次以下
臨 有休祥之外繫 今醮主某為某事 肅
嚴壇供 仰駐神遊 庶伸蘋藻之誠 以埃
監觀之應 詞言通感 不負效心 伏乞